

杜審言
沈佺期

唐十三家
五




杜審言集卷上

長洲許自昌玄祐

五言古詩

南海亂石山作

漲海積稽天羣山高業地相傳稱亂石圖典失其
 事懸危悉可驚大小都不類乍將雲島極還與星
 河次上聳忽如飛下臨仍欲墜朝暎絕丹紫交魄
 炯青翠穹崇霧雨蓄幽隱靈仙閔萬尋掛鶴巢千
 丈垂猿臂昔去景風涉今來姑洗至觀此得詠歌



長時想精異

送和西蕃使

使出鳳皇池京師陽春晚聖朝尚邊策詔諭兵戈
偃拜手明光殿搖心上林苑種落踰青羗關山度
赤坂疆場及無事雅歌而殮飯寧獨錫和戎更當
封定遠

五言律詩

經行嵐州

北地春光晚邊城氣候寒往來花不發新舊雪仍

殘水作琴中聽山疑畫裏看自驚牽遠役艱險促
征鞍

望春亭侍遊應詔

帝出明光殿天臨太液池堯樽隨步輦舜樂繞行
麾萬壽禎祥獻三春景物滋小臣同酌海歌頌蒼
無爲

宿羽亭侍宴應制

步輦千門出離宮二月開風光新柳報宴賞落花
催碧水搖空閣青山繞吹臺聖情留晚興歌管送

餘杯

大酺

聖后乘乾日皇明御曆辰紫宮初啓坐蒼壁正臨
春雷雨垂膏澤金錢贈下人詔酺歡賞遍交泰觀
惟新

秋夜宴臨津鄭明府宅

行止皆無地招尋獨有君酒中堪累月身外卽浮
雲露白宵鍾徹風清曉漏聞坐攜餘興往還似未
離羣

和康五望月有懷

明月高秋迴愁人獨夜看暫將弓並曲翻與扇俱
團霧濯清輝苦風飄素影寒羅衣一此鑒頓使別
離難

登襄陽城

旅客三秋至層城四望開楚山橫地出漢水接天
回冠蓋非新里章華卽舊臺習池風景異歸路滿
塵埃

旅寓安南

交趾殊風候寒遲暖復催仲冬山果熟正月野花
開積雨生昏霧輕霜下震雷故鄉踰萬里客思倍
從來

春日懷歸

心是傷歸望春歸異往年河山鑒魏闕桑梓憶秦
川花離芳園鳥風和綠野煙更懷歡賞地車馬洛
橋邊

代張侍御傷美人

二八泉扉掩帷屏寵愛空淚痕銷夜燭愁緒亂春

風巧笑人疑在新粧曲未終應憐脂粉氣猶着舞
衣中

送高郎中北使

北狄願和親東京發使臣馬銜邊地雪衣染異方
塵歲月催行旅恩榮變苦辛歌鍾期重錫拜手落
花春

都尉山亭

紫藤繁葛藟綠刺罨薔薇下釣看魚躍探巢畏鳥
飛葉疎荷已晚枝亞果新肥勝迹都無限只應伴

月歸

和韋承慶過義陽公主山池五首

野興城中發朝英物外求情懸物絃望契動赤泉
游海燕巢書閣山雞舞畫樓雨餘清晚夏共坐北
岫幽

逕轉危峯逼橋通缺岸妨玉泉移酒味石髓換粳
香綰霧青絲弱牽風紫蔓長猶言宴樂少別向後
池塘

攜琴遶碧沙搖筆弄青霞杜若幽亭草芙蓉曲沼

花宴游成野客形勝得山家徃徃留仙步登攀日

易斜

攢石當軒倚懸泉度牖飛鹿麕銜妓席鶴子曳童
衣園果嘗難遍池蓮摘未稀卷簾唯待月應在醉
中歸

賞翫奇他日高深愛此時池分八水背峯作九山
疑地靜魚偏逸人閑鳥欲欺青溪留別興更與白
雲期

夏日過鄭七山齋

共有樽中好言尋谷口來
薜蘿山徑入荷芰水亭
開日氣含殘雨雲陰送晚雷
洛陽鐘鼓至車馬繫
遲回

送崔融

君王行出將書記遠從征
祖帳連河闕軍麾動洛
城旌旆朝朔氣笳吹夜邊聲
坐覺煙塵掃秋風古
北平

和晉陵陸丞早春游望

獨有宦游人偏驚物候新
雲霞出海曙梅柳渡江

春淑氣催黃鳥晴光照綠蘋
忽聞歌古調歸思欲
霑巾

蓬萊三殿侍宴奉敕詠終南山應制

北斗掛城邊南山倚殿前
雲標金闕迴樹杪玉堂
懸半嶺通佳氣中峯繞瑞煙
小臣持獻壽長此戴
堯天

七夕侍宴應制

一年銜別怨七夕始言歸
歛淚開星靨微步動雲
衣天迴兔欲落河曠鵲停飛
那堪盡此夜復往弄

殘機

重九日宴江陰

蟋蟀期歸晚，茱萸節候新。
降霜青女月，送酒白衣人。
高興要長壽，卑棲隔近臣。
龍沙卽此地，舊俗坐爲隣。

除夜有懷

故節當歌守，新年把燭迎。
冬氛戀虬箭，春色候雞鳴。
興盡聞壺覆，宵闌見斗橫。
還將萬億壽，更謁九重城。

歲夜安樂公主滿月侍宴應制

戚里生昌胤，天杯宴重臣。
畫樓初滿月，香殿早迎春。
睿作堯君寶，孫謀梁國珍。
明朝元會日，萬壽樂章陳。

晦日宴遊

日晦隨萸萸，春情著杏花。
解紳宜就水，張幕會連沙。
歌管風輕度，池臺日半斜。
更看金谷騎，爭向石崇家。

賦得妾薄命

草綠長門掩苔青永巷幽寵移新愛奪淚落故情
留啼鳥驚殘夢飛花攪獨愁自憐春色罷團扇復
迎秋

七夕

白露含明月青霞斷絳河天街七襄轉閣道二神
過袷服鏘環珮香筵拂綺羅年年今夜盡機杼別
情多

杜審言集卷上

杜審言集卷下

長洲許自昌玄祐甫校

七言律詩

春日京中有懷

今年遊寓獨遊春愁思看春不當春上林苑裏花
徒發細柳營前葉漫新公子南橋應盡興將軍西
地幾留賓寄語洛城風日道明年春色倍還人

大酺

毘陵震澤九州通士女懽娛萬國同伐鼓撞鐘驚

海上新粧袷服照江東
梅花落處疑殘雪
柳葉開時任好風
火德雲官逢道泰
天長地久屬年豐

守歲侍宴應制

季冬除夜接新年
帝子王孫捧御筵
宮闕星河低拂樹
殿庭燈燭上薰天
彈絃奏節梅風入
對局探鉤柏酒傳
欲向正元歌萬壽
暫留歡賞寄春前

五言排律

和李大夫嗣真奉使存撫河東

六位乾坤動
三微曆數遷
謳歌移火德
圖識在金

天子月開階
統房星受命
年禎符龍馬
出寶錄鳳皇
傳地卽交風
雨都仍卜澗
灑明堂唯御
極清廟乃尊
先不宰神功
運無爲大衆
懸八荒平物
土四海接人
煙已屬羣生
泰猶言至道
偏璽書傍問
俗旌節近推
賢秩比司空
位官臨御史
員推辭執刀
筆直諫罷樓
船國有大臣
器朝加小會
筵將行備禮
樂送別仰神
仙城闕周京
轉關河陝伏
連稍觀汾水
曲俄指絳臺
前姑射聊長
望平陽遂宛
然舜耕餘草
木禹鑿舊山
川昔出諸侯
爭無何霸業
全

中軍歸戰敵外府絕兵權隱隱帝鄉遠瞻瞻肅命
虔西河偃風俗東壁掛星纏井邑枌榆社陵園松
柏田榮光晴掩代佳氣晚侵燕雨霈鴻私滌風行
睿旨宣惇嫠訪疾苦屠釣採貞堅人樂逢刑措時
康洽賞延賜踰秦氏級恩倍漢家錢擁傳咸翹首
稱觴競比肩拜迎彌道路詠舞益郊鄗殺氣西衝
白窮陰北暝玄飛霜遙渡海殘月迴臨邊緬邈朝
廷問周流朔塞旋興來探馬策俊發抱龍泉學總
八千卷文傾三百篇澄清得使者作頌有人焉莫

以崇斑闕而云勝托捐偉材何扁落陋質幾翩翩
江海寧爲讓巴渝轉自牽一聞歌聖道助曲荷陶甄

扈從出長安應制

分野都畿列時乘六御均京師舊西幸洛道此東
巡文物驅三統聲明走百神龍旗繁漏夕鳳輦拂
鉤陳撫迹地靈古游情皇鑒新山追散馬日水憶
釣魚人禹食傳中使堯樽遍下臣省方稱國阜間
道識風淳歲晚天行吉年豐景從親歡娛包歷代

宇宙忽疑春

春日江津遊望

旅客搖邊思春江弄晚晴煙銷垂柳弱霧捲落花輕飛棹乘空下回流向日平鳥鳴林處蝶舞亂相迎忽歎人皆濁隄防水至清谷王常不讓深可戒中盈

泛舟送鄭卿入京

帝坐蓬萊殿恩追社稷臣長安遙向日宗伯正乘春相宅開基地傾都送别人行舟縈淶水列戟滿

紅塵酒助歡娛洽風催景氣新此時光乃命誰爲惜無津

度石門山

石門千仞斷迸水落遙空道束懸崖半橋欹絕澗中仰攀人屢息直下騎才通泥擁奔虵徑雲埋伏獸叢星躔牛斗北地脉象牙東開塞隨行變高深觸望同江聲連驟雨日氣抱殘虹未改朱明律先含白露風堅貞深不憚險澁諒難窮有異登臨賞徒爲造化功

贈崔融二十韻

十年俱薄宦，萬里各他方。雲天斷書札，風土異炎涼。
太息幽蘭紫，勞歌奇樹黃。日疑懷叔度，夜似憶真長。
北使從江左，東歸在洛陽。相逢慰疇昔，相對叙存亡。
草深窮巷敗，竹盡故園荒。雅節君彌固，衰顏余自傷。
人事盈虛改，交游寵辱妨。雀羅爭去翟，鶴氅競尋王。
思極歡娛至，朋情詎可忘。連騎追佳賞，城中及路傍。
琴樽橫宴席，岳谷臥詞場。三川宿雨霽，四月晚花芳。
復此開懸榻，寧唯入後堂。興酣

鴈鶴舞言洽，鳳皇翔高選。俄遷職嚴程，已飭裝撫躬。
銜道義，攜手戀輝光。玉振先推美，金銘舊所防。勿嗟離別易，行役共時康。

贈蘇味道

北地寒應苦，南庭戍不歸。邊聲亂羌笛，朔氣卷戎衣。
雨雪關山暗，風霜草木稀。胡兵戰欲盡，漢卒尚重圍。
雲淨妖星落，秋深塞馬肥。據鞍雄劍動，插筆羽書飛。
輿駕還京邑，朋游滿帝畿。方期來獻凱，歌舞共春輝。

七言絕句

贈蘇綰書記

知君書記本翩翩，爲許從戎赴朔邊。
紅粉樓中應計日，燕支山下莫經年。

渡湘江

遲日園林悲昔遊，今春花鳥作邊愁。
獨憐京國人南竄，不似湘江水北流。

戲贈趙使君美人

紅粉青娥映楚雲，桃花馬上石榴裙。
羅敷獨向東

方去，謾學他家作使君。

杜審言集卷下

沈佺期集卷上

長洲許自昌玄祐

賦

峽山寺賦

并序

峽山寺者名隸端州連山夾江頗有奇石飛泉迴
落悉從梅竹下過渡口至山頂石道數層齋房浴
室眇在雲漢神龍二年夏六月余投棄南裔承恩
北歸結纜山隅周謁精舍爲之賦焉

峽山精舍端溪妙境中有紅泉分飛碧嶺若乃忍

殿臨岸禪堂枕江桂葉薰戶蓮花照窓銀函獅子
之座金刹鳳凰之柱野鹿矯而屢馴山鷄愛而頻
舞千層古龕百仞明潭幡燈夕透杖鋒朝涵炎光
失於攢樹涼風生於高竹仙人共天樂俱行花雨
與香雲相逐法侶徘徊齋房宴開心猿久去怖鴿
時來走何爲者竄身炎野旋旆京師維舟山下稽
首醫王誓心無常向何業而辭國今何緣而赴鄉
豈徃過而追受將來愆而預殃卽撫躬以內究幸
無慝以自傷心悞辱而知忍迹繫窮而辨方嘉爾

來之放逐謂吾生之津梁

蝴蝶賦

羗蝴蝶之可憇兮粉花育乎陽和二角六足蠕腹
狀蛾脉紺縷以玄翅點赭珠以紺窠凌獵蘭滋噓
吸蕙葩飛將進而又退兮含百態以委蛇豈綿舞
而不懈兮奈衆芬其鑠何圖君子之翠屏儷綵族
而星羅蒙左右之深賞况夢寐之所嘉

霹靂引

歲七月火伏而金生客有鼓琴於門者奏霹靂之

商聲始憂羽以驕若終扣宮而砰駘電耀耀兮龍
躍雷闐闐兮雨冥氣鳴哈以會雅態歛翁以橫生
有如驅千旗制五兵截荒虺斲長鯨孰與廣陵比
意別鶴儔精而已俾我雄子魄動毅夫髮立懷恩
不淺武義雙輯視胡若芥剪羯如拾豈徒慨慷中
筵備羣娛之翕習哉故此知也

五言古詩

有所思

君子事行役再空芳歲期美人曠延佇萬里浮雲

思園槿綻紅艷郊桑柔綠滋坐看長夏晚秋月照
羅帷

臨高臺

高臺臨廣陌車馬紛相續回首思舊鄉雲山亂心
曲遠望河流緩周看原野綠向夕林鳥還憂來飛
景促

黃鶴

黃鶴佐丹鳳不能羣白鵬拂雲遊四海弄影到三
山遙憶君軒上來下天池間明珠世不重知有報

恩環

鳳笙曲

憶昔王子晉鳳笙遊雲空揮手弄白日安能戀青
宮豈無嬋娟子結念羅帷中憐壽不貴色身世兩
無窮

古別離

白水東悠悠中有西行舟舟行有返櫂水去無還
流奈何生別者戚戚懷遠遊遠遊誰當惜所悲會
難收自君聞芳屣青陽四五適皓月掩蘭室光風

虛蕙樓相思無明晦長歎累春秋離居久遲暮高
駕何淹留

同工部李侍郎適訪司馬子微

紫微降天仙丹地投雲藻上言華頂事中間長生
道華頂居最高大壑朝陽早長生術何妙童顏後
天老清晨朝鳳京靜夜思鴻寶憑崖飲蕙氣過澗
摘靈草人非塚已荒海變田應燥昔嘗游此郡三
霜弄溟島緒言霞上開機事塵外掃頃來迫世務
清曠未云保崎嶇待漏恩怵惕司言造軒皇重齋

拜漢武愛祈禱順風懷崆峒承露在豐鎬冷然委
輕馭復得散幽抱柱下留伯陽儲闈登四皓聞有
叅同契何時一探討

自昌樂郡泝流至白石嶺下行入郴州

茲山界夷夏天險橫寥廓太史漏登探文命限開
鑿北流自南瀉羣峯回衆壑馳波如電騰激石似
雷落崖留盤古樹澗蓄神農藥乳竇何淋漓苔蘚
更綵錯娟娟潭裏虹渺渺灘邊鶴歲杪應流火天
高雲霧薄金風吹綠梢玉露洗紅籜泝舟始興解

登踐桂陽郭匍匐緣修坂穹窿曳長紵礙林徒往
來過堰每前却救難不遑食飯畢昏無託濯谿寧
足懼磴道誰云惡我行湍險多山水皆不若安能
獨見聞書此遺京洛

過蜀龍門

龍門非禹鑿詭怪乃天功西南出巴峽不與衆山
同長竇亘五里宛轉復嵌空伏湍啾潛石瀑水生
輪風流水無晝夜噴薄龍門中潭河勢不測藻葩
垂綵虹我行當季月煙景共春融江關勤亦甚巖

嶧意難窮誓將息機事煉藥此山東

和杜麟臺元志春情

嘉樹滿中園氛氳羅秀色不見仙山雲倚琴空太
息沉思若在夢緘怨似無憶青春坐南移白日忽
西匿蛾眉返清鏡閨中不相識

入衛作

淇上風日好紛紛沿岸多綠芳幸未歇汎濫此明
波采蘩憶幽吹理棹想荆歌鬱然懷君子浩曠將
如何

餞遠

任子狗遐祿結友開舊襟撰酌輟行歎指途勤遠
心秋晶澄回壑霽色肅明林暖然清軒暮浩思非
所任

枉繫二首

吾憐曾家子昔有投杼疑吾憐姬公旦非無鴟鴞
詩臣子竭忠孝君親惑讒欺萋斐離骨肉含愁興
此辭

昔日公冶長非罪遇縲紲聖人降兄子古來歎獨

絕我無毫髮瑕苦心懷冰雪今世多秀士誰欲繫
明轍

別侍御嚴凝

七澤雲夢林三湘洞庭水自古傳剽俗有詩逋惡
子令君出使車行邁方靡靡靜言芟枳棘慎勿傷
蘭芷

送喬隨州侶

結友三十載同遊一萬里情爲契闊生心由別離
死拜恩前後人從宦差池起今爾歸漢東明珠報

知已

被彈

知人昔不易舉非貴易失爾何按國章無罪見呵
叱平生守直道遂爲衆所嫉少以文作吏手不會
開律一旦法相持荒忙意如漆幼子雙囹圄老夫
一念室昆弟兩三人相次俱囚桎萬鑠當衆怒千
謗無片實庶以白黑讒顯此涇渭質効吏何咆哮
晨夜聞撲扶事間拾虛證理外存枉筆懷痛不見
申抱寃竟難悉窮囚多垢膩愁坐饒蟣蝨三日唯

一飯兩旬不再櫛是時盛夏中暎赫多瘵疾瞪目
眠欲閉喑鳴氣不出有風自扶搖鼓蕩無倫匹安
得吹浮雲令我見白日

傷王學士 并序

王君赦者少小游洛陽吾與君隴西李子至爲友
家貧倦道歲常晏如屬文毫翰吟諷所得時會絕
境長安初以器行制在蕃邸侍諸人游四年余遭
浮議下獄他日余至來知君物化嗚呼穎叔享年
不遐昔同爲人今先鬼錄恨吾非所闕爾喪葬退

而賦詩以哀命

閉囚斷外事昧坐半餘暮有言穎叔子亡來已一
時初聞宛不信中話涕漣漉痛哉玄夜重何遽青
春姿憶汝曾旅食屢空纏澗湄吾徒祿未厚笮斗
愧相貽原憲貧無愁顏回樂自持詔書擇才善君
爲王子師寵儒名可尚論秩官猶欺化往不復見
情來安可思目絕毫翰灑耳無歌諷期靈樞寄何
處精魄今何之恨予在丹棘不得看素旗孀妻知
已歎幼子路人悲感游值商日絕絃留此詞

夜泊越州逢北使

天地降雷雨放逐還國都重以風潮事年月戒回
臚容顏荒外老心想域中愚憇泊在茲夜炎雲逐
斗樞颺颺縈海若霹靂耿天吳鼇抃羣島失鯨吞
衆流輸偶逢金華使握手淚相濡饑共噬齊棗眠
共席秦蒲旣北思攸濟將南睿所圖往來固無咎
何忽憚前桴

紹隆寺 并序

紹隆寺江嶺最奇去驩州城二十五里將北客畢

日游憇隨例施香回於舟中作

吾從釋迦久無上師涅槃探道三十載得道天南
端非勝適殊方起誼歸理難放棄乃良緣世慮不
會干香界縈北渚花龕隱南巒危昂階下石演漾
牕中瀾雲蓋看水秀天空見藤盤處俗勤宴坐居
貧業行壇試將有漏軀聊作無生觀了然究諸品
彌覺靜者安

神龍初廢逐南荒途出榔口北望蘇耽山
少曾讀仙史知有蘇耽君流望來南國依然會昔

聞泊舟問耆老遙指孤山雲孤山柳郡北不與衆
山羣重崖下縈映嶠嶠上糾紛碧峯泉附落紅壁
樹傍分選地今方爾昇天因可云不才予竄迹羽
化子遺芬將覽成麟鳳旋驚禦鬼文此中迷出處
含思獨氛氲

辛丑歲十月上幸長安時扈從出西嶽作

西鎮何穹崇壯哉信靈造諸嶺皆峻秀中峯特美
好傍見巨掌存勢如石東倒頗聞首陽去開拆此
河道磅礴壓洪源巍峩壯清昊雲泉紛亂瀑天磴

屹宏抱子先呼其巔宮女世不老下有府君廟歷
載傳灑掃星明應天游十月成豐鎬微末忝聞從
兼得事蘋藻宿心愛此山意欲拾靈草陰壑已冰
閉雲竇絕探討芬月期來過回策思方浩

初達驩州

流子一十八命予偏不偶配遠天遂窮到遲日最
後水行儋耳國陸行雕題藪魂魄游鬼門骸骨遺
鯨口夜則忍饑臥朝則抱病走搔首向南荒拭淚
看北斗何年赦書來重飲洛陽酒

七言古詩

入少密溪

雲峯苔壁遶溪斜，江路香風夾岸花。
樹密不言通鳥道，鷄鳴始覺有人家。
人家更在深巖口，澗水流宅前後游。
魚鱗雙釣童伐木，丁丁一樵叟自言避。
喧非避秦薛衣耕，鑿帝堯人相留。
且待鷄黍熟，夕臥深山蘿月春。

鳳簫曲

八月涼風動高閣，千金麗人捲綃幕。
巴憐池上歌

芳菲不念君恩坐，搖落世上榮華如轉蓬。
朝隨阡陌暮雲中，飛燕侍寢昭陽殿。
班姬飲恨長信宮，長信宮昭陽殿。
春來歌舞妾自知，秋至榮華君不見。
昔時羸女厭世氛，學吹鳳簫乘綵雲。
含情轉徠向蕭史，千載紅顏持贈君。

古歌

落葉流風向玉臺，夜寒秋思洞房開。
水晶簾外金波下，雲母窓前銀漢回。
玉階陰陰苔蘚色，君王履綦難再得。
璇闈窈窕秋夜長，繡戶徘徊明月光。
燕

姬綵帳芙蓉色秦女金爐蘭麝香北斗七星橫夜
半清歌一曲斷君腸

七夕曝衣篇

君不見昔日宜春太液邊披香畫閣與天連燈火
灼爍九衢映香氣氛氲百和然此夜星繁河正白
人傳織女牽牛客宮中擾擾曝衣樓天上娥娥紅
粉席舒羅散彩雲霧開綴玉垂珠星漢迴朝霞散
綵羞衣架晚月分光劣鏡臺上有仙人長命絡中
看寶媛迎歡繡璫瑁筵中別作春琅玕窓裏翻成

音柳下樓
綵

畫椒房金屋寵新流意氣嬌奢不自由漢文宣
露臺費晉武須焚前殿裘

五言律詩

銅雀臺

之問集中
亦有此作

昔年分鼎地今日望陵臺一旦雄圖盡千秋遺令
開綺羅君不見歌舞妾空來恩共漳河水東流無
重回

長門怨

月皎風泠泠長門次掖庭玉階聞墜葉羅幌見飛

螢清露凝珠綴流塵下翠屏妾心君未察愁歎劇
繁星

巫山高

巫山高不極合沓狀奇新暗谷疑風雨陰崖若鬼
神月明三峽曉潮滿九江春爲問陽臺客應知入
夢人

被試出塞

十年通大漠萬里出長平寒日生戈劔陰雲拂旆
旌饑鳥啼舊壘疲馬戀空城辛苦臯蘭北胡塵損

漢兵

幸白鹿觀應制

紫鳳真人劫班龍太上家天流芝蓋下山轉桂旗
斜聖藻垂寒露仙杯落晚霞唯應問王母桃作幾
時花

九日侍宴應制得長字

御氣幸金方憑高薦羽觴魏文頒菊藥漢武賜黃
囊去鶴留笙吹歸鴻識舞行年年重九慶日月奉
天長

樂城白鶴寺

碧海開龍藏，青雲起鴈堂。
潮聲迎法鼓，雨氣濕天香。
樹接前山暗，溪承瀑水涼。
無言誦居遠，清靜得空王。

遊少林寺

長歌遊寶地，徙倚對珠林。
鴈塔風霜古，龍池歲月深。
紺園澄夕霽，碧殿下秋陰。
歸路煙霞晚，山蟬處處吟。

風霜一作丹青

嶽館

洞壑仙人館，孤峯玉女臺。
空濛朝氣合，窈窕夕陽開。
流澗含輕雨，虛巖應薄雷。
正逢鸞與鶴，歌舞出天來。

早發平昌島

解纜春風後，鳴榔曉漲前。
陽鳥出海樹，雲鴈下江煙。
積氣衝長島，浮光溢大川。
不能懷魏闕，心賞獨泠然。

夜宿七盤嶺

獨遊千里外，高臥七盤西。
山月臨牀近，天河入戶

低芳春平仲綠清夜子規啼浮客空留聽裏城聞
曙雞

驩州風土不作寒食

嶺外無寒食春來不見飴洛中新甲子何日是清
明花柳爭朝發軒車滿路迎帝鄉遙可念腸斷報
親情

三日禁園侍宴

九重馳道出三巴禊堂開畫鷁中川動青龍上苑
來野花飄御座河柳拂天杯日晚迎祥處笙鏞下

帝臺

仙萼亭初成侍宴應制

山中氣色和宸賞第中過輦路披仙掌帷宮拂帝
蘿泉臨香澗落峯入翠雲多無異登玄圃東南望
白河

隴頭水

隴山飛落葉隴鴈度寒天愁見三秋水分爲兩地
泉西流入羗郡東下向秦川征客重回首肝腸空
自憐

關山月

漢月生遼海，朧朧出半暉。合昏玄菟郡，中夜白登圍。
暈落關山迴，光含霜霰微。將軍聽曉角，戰馬欲南歸。

折楊柳

玉窓朝日映羅帳，春風吹拭淚。攀楊柳長條，踈地垂白花。
飛歷亂黃鳥，思參差。妾自肝腸斷，傍人那得知。

紫駟馬

青玉紫駟鞍，驕多影屢盤。荷君能剪拂，躩蹠噴桑乾。
踈足追奔易，長鳴遇賞難。縱金一萬里，霜露不辭寒。

上之回

制書下關右，天子問回中。壇墠經過遠，威儀侍從雄。
黃麾搖畫日，青幘曳松風。迴望甘泉道，龍山隱漢宮。

和常州崔使君寒食夜

聞道清明近，春闈向夕闌。行遊晝不厭，風物夜宜

看斗柄更初轉梅香暗裏殘無勞秉華燭晴月在
南端

歲夜安樂公主滿月侍宴

除夜子星迴天孫滿月杯詠歌麟趾合簫管鳳雛
來歲炬常燃桂春盤預折梅聖皇千萬壽垂曉御
明臺

奉和洛陽翫雪應制

周王甲子旦漢后德陽宮灑瑞天庭裏驚春御苑
中氛氲生浩氣颭沓舞回風宸藻光盈尺賡歌樂

歲豐

幸梨園亭觀打球應制

今春芳苑遊接武上瓊樓宛轉縈香騎飄飄拂畫
毬俯身迎未落迴轡逐傍流祗爲看花鳥時時誤
失籌

送金城公主適西番應制

金榜扶丹掖銀河屬紫闈那堪將鳳女還以嫁烏
孫玉就歌中怨珠辭掌上恩西戎非我匹明主至
公存

洛陽道

九門開洛邑雙闕對河橋白日青春道軒裳半下
朝乘羊稚子看拾翠美人嬌行樂歸恒晚香塵撲
地遙

驄馬

西北五花驄來時道向東四蹄碧玉片雙眼黃金
瞳鞍上留明月嘶間動朔風借君馳沛艾一戰取
雲中

答甯處州書

書報天中赦人從海上聞九泉開白日六翮起青
雲質幸恩先貸情孤枉未分自憐涇渭別誰與奏
明君

十三四時嘗從巫峽過他日偶然有思

小度巫山峽荆南春欲分使君灘上草神女廟前
雲樹悉江中見猿多天外聞別來如夢裏一想一
氛氲

初達驩州

自昔聞銅柱行來向一年不知林邑地猶隔道明

天雨露何時及京華若箇邊思君無限淚堪作日南泉

天官崔侍郎夫人盧氏挽歌

偕老言何謬香魂事永違潘魚從此隔陳鳳宛然
飛埋鏡泉中暗藏燈地下微猶憑少君術彷彿觀
容輝

章懷太子靖妃挽詞

彤史佳聲載青宮懿範留形將鸞鏡隱魂伴鳳笙
遊送馬嘶殘日新螢落晚秋不知蒿里曙空見隴

雲愁

和洛州司士康庭芝望月有懷

之問集中亦有此作

天使下西樓光含萬里秋臺前疑掛鏡簷外似懸
鉤張尹將眉學班姬取扇儔佳期應借問爲報在
刀頭

和崔正諫秋日早朝

雞鳴朝謁滿露白禁門秋爽氣臨旌戟朝光映冕
旒河宗來獻寶天子命焚裘獨負池陽議言從建
禮遊

則天門赦改年

聖人宥天下幽鑰動園狎六甲迎黃氣三光降紫
泥籠僮上西鼓振迅廣陽雞歌舞將金帛汪洋被
遠黎

覽鏡

霏霏日搖蕙騷騷風灑蓮時芳固相奪俗態豈恒
堅恍忽夜川裏蹉跎朝鏡前紅顏與壯志太息此
流年

雜詩四首

鐵馬三軍去金閨二月還邊愁離上國春夢失陽
關池水琉璃淨園花玳瑁斑歲華空自擲愁怨不
勝顏

落葉驚秋婦高砧促暝機蜘蛛尋月度螢火傍人
飛清鏡紅埃入孤燈綠焰微怨啼能至曉獨自懶
縫衣

妾家臨渭北春夢著遼西何苦朝鮮郡年年事鼓
鞞燕來紅壁語鶯向綠窓啼爲許長相憶闌干玉
筍齊

聞道黃龍戍頻年不解兵可憐閨裏月常在漢家
營少婦今春意良人昨夜情誰能將旗鼓一爲取
龍城

咸陽覽古

咸陽秦帝居千載坐盈虛版築林光盡壇場雷聽
疎野橋疑望日山火類焚書唯有驪峯在空聞厚
葬餘

和中書侍郎楊再思春夜宿直

西禁青春滿南端皓月微直廬宵駕合五夜曉鍾

稀星斗橫綸閣天河度瑣闥煙花章奏裏紛向夕
郎飛

少遊荆湘因有是題

峴北焚蛟浦巴東射雉田歲時宜楚俗耆舊在湘
川憶昨經過處離今二十年因君訪生死相識幾
人全

送陸侍御餘慶北使

古人貴將命之子出輜軒受委當不辱隨時敢贈
言朔途際遼海春思繞鞞轅安得回白日留歡盡

綠樽

洛州蕭司兵謁兄還赴洛成禮

棠棣日光輝高襟應序歸來成鴻鴈聚去作鳳凰
飛細草承輕傳驚花慘別衣灞亭春有酒岐路惜
芬菲

餞高唐州詢

弱冠相知早中年不見多生涯在王事容鬢各蹉
跎良守初分岳嘉聲卽潤河還從漢闕下傾耳聽
中和

餞唐郎中洛陽令

一臺推往妙三史佇來修應宰鳥還集辭郎雉少
留郊筵乘落景亭傳理殘秋願以絃歌暇芝蘭想
舊遊

安樂公主移入新宅

初聞衡漢來移住斗城隈錦帳迎風轉瓊筵拂霧
開馬香遺舊埽鳳吹繞新臺爲問沉冥子仙槎何
處回

李舍人山園送龐邵

符傳有光輝、誼誼出帝畿、東隣借山水、南陌駐驂
駢握手、涼風至、當歌秋日微、高蟾去、勿緩人吏待
霜威

同獄者歎獄中無燕

何許乘春燕、多知辯夏臺、三時欲併盡、雙影未嘗
來、食藥嫌叢棘、銜泥怯死灰、不如黃雀語、能雪冶
長猜

驩州南亭夜望

昨夜南亭望、分明夢洛中、室家誰道別、兒女案嘗

同忽覺猶言是、沉思始悟空、肝腸餘幾寸、拭淚坐
春風

題柳子樹

日南柳子樹、香裏出風塵、叢生調木首、圓實檳榔
身、玉房九霄露、碧葉四時春、不及塗林果、移根隨
漢臣

喜赦

去歲投荒客、今春肆眚歸、律通幽谷暖、盆舉太陽
輝、喜氣迎冤氣、青衣報白衣、還將合浦葉、俱向洛

沈佺期集
卷一
城飛

沈佺期集卷下

七言律詩

古意呈補闕喬知之

盧家少婦鬱金香，海燕雙棲玳瑁梁。
九月寒砧催木葉，十年征戍憶遼陽。
白狼河北音書斷，丹鳳城南秋夜長。
誰爲含愁獨不見，更教明月照流黃。

龍池篇

龍池躍龍龍已飛，龍德先天天不違。
池開天漢分

黃道龍向天門入紫微邸第樓臺多氣色君王鳥
鴈有光輝爲報寰中百川水來朝此地莫東歸

興慶池侍宴應制

碧水澄潭映遠空紫雲香駕御微風漢家城闕疑
天下秦地山川似鏡中向浦迴舟萍已綠分林蔽
殿槿初紅古來徒羨橫汾賞今日宸遊聖藻雄

侍宴安樂公主新宅應制

皇家貴主好神仙別業初開雲漢邊山出盡如鳴
鳳嶺池成不讓飲龍川粧樓翠幌教春住舞閣金

鋪借日懸敬從乘輿來此地稱觴獻壽樂鈞天

奉和春初幸太平公主南莊應制

主家山第早春歸御輦春遊繞翠微買地鋪金曾
作埽尋河取石舊支機雲間樹色千花滿竹裏泉
聲百道飛自有神仙鳴鳳曲併將歌舞報恩暉

奉和春日幸望春宮應制

芳郊綠野散春晴複道離宮煙霧生楊柳千條花
欲綻蒲萄百丈蔓初榮林香酒氣元相入鳥嘯歌
聲各自成定是風光牽宿醉來晨復得幸昆明

奉和立春遊苑迎春

東郊暫轉迎春仗，上苑初飛行慶杯。
風射蛟冰千片斷，氣衝魚鑰九關開。
林中覓草纔生蕙，殿裏爭花併是梅。
歌吹銜恩歸路晚，棲鳥半下鳳城來。

從幸香山寺應制

南山奕奕通丹禁，北闕峨峨連翠雲。
嶺上樓臺千地起，城中鐘鼓四天聞。
旃檀曉閣金輿度，鸚鵡晴林采朏分。
願以醍醐參聖酒，還將祇苑當秋汾。

紅樓苑應制

紅樓疑見白毫光，寺逼宸居福盛唐。
支遁愛山情謾切，曇摩泛海路空長。
經聲夜息聞天語，爐氣晨飄接御香。
誰謂此中難可到，自憐深院得徊翔。

再入道場紀事應制

南方歸去再生天，內殿今年異昔年。
見闢乾坤新定位，看題日月更高懸。
行隨香輦登仙路，坐近爐煙講法筵。
自喜恩深陪侍從，兩朝長在聖人前。

嵩山石淙侍宴應制

金輿旦下綠雲衢，彩殿晴臨碧澗隅。
溪水泠泠逐

行漏山煙片片引香爐仙人六膳調神鼎玉女三
漿捧帝壺自惜汾陽紆道駕無如太室覽真圖

遙同杜員外審言過嶺

天長地闊嶺頭分去國離家見白雲洛浦風光何
所似崇山瘴癘不堪聞南浮漲海人何處北望衡
陽鴈幾羣兩地江山萬餘里何時重謁聖明君一作

洛浦肝腸
無用說

和上巳連寒食有懷京洛

天津御柳碧遙遙軒騎相從半下朝行樂光輝寒

食借太平歌舞晚春饒紅粧樓下東迴輦青草洲
邊南渡橋坐見司空掃西第看君侍從落花朝

人日重宴大明宮賜彩縷人勝應制

拂旦雞鳴仙衛陳憑高龍首帝城春千官黼帳杯
前壽百福香奩勝裏人山鳥初來猶怯囀林花未
發已偷新天文正應韶光轉設報懸知用此辰

五言排律

酬蘇員外味道夏晚寓直省中見贈

並命登仙閣分宵直禮闈大官供宿膳侍史護朝

衣卷幔天河入，開窓月露微。
小池殘暑退，高樹晚涼歸。
冠劍無時釋，軒車待漏飛。
明朝題漢柱，三署有光輝。

同韋舍人早朝

閶闔連雲起，巖廊拂霧開。
玉珂龍影度，珠履鴈行來。
長樂宵鐘盡，明光曉奏催。
一經傳舊德，五字擢英材。
儼若神仙去，紛從霄漢回。
千春奉休曆，分禁喜趨陪。

白蓮花亭侍宴應制

九日陪天仗，三秋幸禁林。
霜威變綠樹，雲氣落青岑。
水殿黃花合，山亭絳葉深。
朱旗夾小徑，寶馬駐青潯。
苑吏收寒果，饗人膳野禽。
承懽不覺暝，遙嚮素秋砧。

仙萼池亭侍宴應制

步輦尋丹嶂，行宮在翠微。
川長看鳥滅，谷轉聽猿稀。
天磴扶階迴，雲泉透戶飛。
閒花開石竹，幽葉吐薔薇。
徑狹難留騎，亭寒欲進衣。
白龜來獻壽，仙吹返彤闈。

沙伯其集 卷一
奉和晦日幸昆明池

法駕乘春轉神池象漢迴雙星遺舊石孤月隱殘
灰戰鷁逢時去恩魚望幸來山花緹騎遶堤柳慢
城開思逸橫汾唱歌流宴鎬杯微臣彫朽質羞覩
豫章材

奉和聖制幸禮部尚書竇希玠宅

北闕垂旒暇南宮聽禮迴天臨祥鳳轉恩向躍龍
開蘭氣熏仙帳榴花引御杯水從金穴吐雲是玉
衣來池影搖歌席林香散舞臺不知行漏晚清蹕

尚徘徊

夏日都門送司馬員外逸客孫員外佺共
北征

二庭追虜騎六月動周師廟畧天人授軍麾相國
持復言徵二妙才命重當時畫省連征橐橫門共
別詞雲迎出塞馬風卷度河旗計日方夷寇旋聞
杖杜詩

奉和幸韋嗣立山莊侍宴應制

鼎臣休澣隙方外結遐心別業青霞境孤潭碧樹

林每遷東墅策遙弄北溪琴帝幸行時豫台園賞
歲陰移鑿明月沼張樂白雲岑御席瑤觥落仙壇
竹逕深三章懸聖藻五等冠朝簪自愧承恩盛咸
言獨在今

昆明池侍宴應制

武帝伐昆明穿池習五兵水同河漢在館有豫章
名我后光天德垂衣文教成黷兵非帝念勞物豈
皇情春仗過鯨沼雲旗出鳳城靈魚銜寶躍仙女
廢機迎柳拂旌門暗蘭依帳殿生還如流水曲日

晚棹歌聲

登瀛州南樓寄遠

層城起麗譙憑覽出重霄茲地多形勝中天宛寂
寥四榮摩鶴鶴百拱厲風颺北際燕王館東連秦
帝橋晴光七郡滿春色兩河遙傲睨非吾土躊躇
適遠囂離居欲有贈春草寄長謠

塞北二首

虜障天驕起秦城地脉分柏壇飛五將梅吹動三
軍鋒刃奔濤色旌旗焰火文朔風吹汗漫飄灑灑

沈氏其集 卷下
賴輶海氣如秋雨邊烽似夏雲二庭無歲月百戰
有功勲形影隨魚貫音書在鴈羣歸來拜天子凱
樂助南薰
胡騎犯邊埃風從丑上來五原烽火急六郡羽書
催冰壯飛狐冷霜濃候鴈哀將軍朝授鉞戰士夜
銜枚紫塞金河裏蔥山鐵勒隈蓮花秋劔發桂葉
曉旗開祕畧三軍動妖氛百戰摧何言投筆去終
作勒銘回

自考功員外授給事中

南省推丹地東曹拜瑣闥惠移雙管筆恩降五時
衣出入宜真選遭逢每濫飛器慙公理拙才謝子
雲微按牘遺常禮朋僚隔等威上台行揖讓中禁
動光輝旭日千門起初春八舍歸贈蘭聞宿昔談
樹隱芳菲何幸鹽梅處惟憂對問機省躬知任重
寧止冒榮非

初冬從幸漢故青門應制

漢王建都邑渭水對青門朝市俱東逝墳陵共北
原荒涼蕭相關蕪沒邵平園全盛今何在英雄復

重論故基仍岳立遺堞尚雲屯當極土功壯安知
人力煩天遊戒東首懷昔駐龍軒何必金湯固無
如道德藩微臣諒多幸參乘偶殊恩預此陳古事
敢奏興亡言

度安海入龍編

我來交趾郡南與貫胷連四氣分寒少三光置日
偏尉佗曾馭國翁仲久遊泉邑屋遺氓在魚鹽舊
產傳越人遙捧翟漢將下看鳶北斗崇山掛南風
漲海牽別離頻破月容鬢驟催年昆弟推由命妻
孥割付綠夢來魂尚擾愁委疾空纏虛道崩城淚
明心不應天

從崇山向越常

并序

按九真圖崇山至越常四十里杉谷起古崇山竹
谿從道明國來於崇山北二十五里合水欹缺藤
竹明昧有三十峯夾水直上千餘仞諸仙窟宅在
焉

朝發崇山下暮坐越山陰西從杉谷度北上竹溪
深竹溪道明水杉谷古崇岑差池將不合繚繞復

相尋桂葉藏金嶼藤花閉石林天窓虚的的雲竇
下沉沉造化功偏厚真仙跡每臨豈徒探怪異聊
欲緩歸心

哭蘇眉州崔司業二公

并序

同時郎裴懷古者作牧潭府神龍二年秋八月佺
期承恩北歸途中覲止訪及故舊知眉州蘇使君
味道國子崔司業融馳旋間相次而逝蘇徃任鳳
閣侍郎佺期忝通事舍人崔重爲鳳閣舍人佺期
又遷給事並銜疇昔之眷俱荷提獎之恩前年負

譴南荒二公先移官守迨此凶問情理何堪所歎
逐窳有期行邁在遠哀不展舊禮不申卑流慟斯
文冀通幽路

渙汗天中發伶俜海外旋長沙遇太守問舊幾人
全國寶亡雙傑天才喪兩賢大名齊弱歲高德並
中年禮樂羊叔子文章王仲宣相看尚玄鬢相次
入黃泉流放蠻陬闊鄉關帝里偏親朋雲霧擁生
死歲時傳崔昔揮宸翰蘇嘗濟巨川絳衣陪下列
黃閣謬差肩及此俱冥昧云誰敘播遷隼輿懷舊

轍鱸館想虛筵家愛方休杵皇慈更撤懸銘旌西
蜀路騎吹北邙田隴樹應秋矣江帆故杳然罷琴
明月夜留劍白雲天涕泗湘潭水淒涼衡嶠煙古
來修短分神理竟難筌

哭道士劉無得

聞有玄都客成仙不易祈蓬萊向清淺桃杏欲芳
菲縮地黃泉出昇天白日飛少微星夜落高掌露
朝晞吐甲龍應出銜符鳥自飛國人思負局天子
惜披衣花月留丹洞琴笙下翠微嗟來子桑扈爾

獨返於幾

和元舍人萬頃臨池翫月戲爲新體

春風搖碧樹秋霧卷丹臺復有相宜夕池清月正
開玉流含吹動金魄度雲來熠燿光如沸翩翩景
若摧半環投積草碎壁聚流杯夜久平無煥天晴
皎未墮鏡將池作匣珠以岸爲胎有美司言暇高
興獨悠哉揮翰初難擬飛名豈易陪夜光殊在握
了了見沉灰

酬楊給事廉見贈省中

子雲推辯博公禮擅詞雄始自尚書省旋聞給事
中言從溫室祕籍向瑣闥通顧我叨郎署慙無草
奏工分曹八舍斷解袂五時空宿昔陪餘論平生
賴擊蒙神仙應東掖雲霧限南宮忽枉瓊瑤贈長
歌蘭渚風

扈從出長安應制

漢宅規模壯周都景命隆西賓讓東主法駕幸天
中太史占星應春官奏日同旌門起長樂帳殿出
新豐翕習黃山下紆徐清渭東金麾張畫月珠幟

戴松風是節嚴陰始寒郊散野蓬薄霜沾上路殘
雪繞離宮賜帛矜耆老褰旒問小童復除恩載洽
望秩禮新崇臣忝承明召多慙獻賦雄

送盧管記先客北伐

羽檄西北飛交城日夜圍廟堂盛徵選戎幕生光
輝鴈行度函谷馬首向金微湛湛山川暮蕭蕭涼
氣稀餞途予憫默赴敵子英威今日楊朱淚無將
灑鐵衣

釣竿篇

朝日歛紅煙垂竿向綠川人疑天上坐魚似鏡中
懸避檝時驚透猜鉤每誤牽湍危不理轄潭靜欲
留船釣玉君徒尚徵金我未賢爲看芳餌下貪得
會無筌

和戶部岑尚書參迹樞揆

大君制六合良佐參萬機大業永開泰臣道日光
輝鹽梅和鼎食家聲衆所歸漢章題楚劔鄭武襲
緇衣理識當朝遠文華振古稀風雲神契合舟艤
道心微廟堂喜容與時物迺芳菲御柳垂仙掖公

槐覆理闈昔陪鶴鷺後今望鷗鵬飛徒御清風頌
巴歌聊自揮

同李舍人冬日集安樂公主山池

常聞天女貴家卽帝宮連亭插宜春果山衝太液
泉橋低鳥鵲夜臺起鳳凰年故事猶如此新圖更
可憐紫巖粧閣透青嶂妓樓懸峰奪香爐巧池偷
明鏡圓梅花寒待雪桂葉晚留煙興盡方投轄金
聲還復傳

送友人任括州

青春浩無際白日乃遲遲胡爲賞心客歎遇此芳
時甌粵迫茲守京闕從此辭茫茫理雲帆草草念
行期紛吾結遠佩悵餞出河湄太息東流水盈觴
難再持

夏日梁王席送張岐州

秦雞常下雍周鳳昔鳴岐此地推雄撫惟梁寄在
斯家傳七豹貴人擅八龍奇高傳生光彩長林歎
別離天人開祖席朝案候征麾翠帟當郊敞彤幃
向野被芄芄秋麥盛苒苒夏條垂奏計何時入台

階望羽儀

李員外秦援宅觀妓

盈盈粉署郎五日宴春光選客虛前館徵聲徧後
堂玉釵翠羽飾羅袖鬱金香拂黛隨時廣挑環出
意長嘯歌遙合態度舞暗成行巧落梅庭裏斜光
映曉粧

移禁司刑

疇昔參鄉賦中年忝吏途丹脣曾學史白首不成
儒天子開昌籙羣生偶大鑪散材仍葺夏弱羽遽

搏扶寵邁乘軒鶴榮過食稻鳧何功遊畫省何德
理黃樞弔影慙非據傾心事遠圖盜泉寧止渴惡
木匪投軀任直翻多毀安身遂少徒一朝逢紕謬
三省竟無虞白簡初心屈黃紗始望孤患平終不
怒持劾每相驅埋劍誰當辯偷金以自誣誘言雖
委答流議亦真符首夏方憂國高秋獨向隅嚴城
看熠燿圓戶對蜘蛛累餉唯妻子披寃是友于物
情牽倚伏人事限榮枯門客心誰在隣交迹儻無
撫襟雙涕落危坐日憂趨聖旨垂明德寃囚豈濫
誅會希恩免理終望罪矜愚司寇宜哀獄台庭幸
恤辜漢皇虛詔上容有報恩珠

入鬼門關

昔傳瘴江路今到鬼門關土地無人老流移幾客
還自從別京洛頽鬢與衰顏夕宿舍沙裏晨行岡
路間馬危千仞谷舟險萬重灣問我投何地西南
盡百蠻

九真山淨居寺謁無礙上人

大士生天竺分身化日南人中出煩惱山下卽伽

藍小澗香爲刹危峯石作龕候禪青鴿乳窺講白
猿叅藤愛雲間壁花憐石下潭泉行幽供好林掛
浴衣堪第子哀無識醫王惜未談機疑聞不二蒙
昧卽朝三欲究因緣理聊寬放棄慙超然虎溪夕
雙樹下虛嵐

從驩州解移住山間水亭贈蘇使君

遇坎卽乘流西南到火洲鬼門因苦夜瘴浦不宜
秋歲貸胸穿老朝飛鼻飲頭死生離骨肉榮辱間
朋遊棄置一身在平生萬事休鷹鷂遭誤逐豺虎

怯真投憶昨京華子傷今邊地因願陪鸚鵡樂希
並鷓鴣留日月渝鄉思煙花換客愁幸逢蘇伯玉
回借水亭幽山柏張青蓋紅蕉卷綠油乘閑無火
宅因放有漁舟適越心當是居夷迹可求古來堯
禪舜何必罪驩兜

赦到不得歸題江上石

家住東京裏身投南海西風煙萬里隔朝夕幾行
啼聖主謳歌洽賢臣法令齊忽聞銅柱使走馬報
金鷄棄市沾皇握投荒漏紫泥魂疲山鶴路心醉

跼鳶溪天鑿誅元惡宸慈恤遠黎五方思寄忍萬
姓喜燃臍自幼輸丹懇何嘗玷白圭承言竄遐魅
雪往間深徃墳壠無由謁京華豈重躋炎方誰謂
廣地盡覺天低百卉雜殊怪昆蟲理賴睽閉藏元
不蟄搖落反生莠瘡瘡因慈苦窮愁益復迷火雲
蒸毒霧陽雨濯陰霓周乘安交趾王恭輯畫題少
寬窮涸鮒猶愍觸藩羝配宅隣州解班苗接野畦
山空歡鬪象江靜見遊犀翰墨思諸季裁縫憶老
妻小兒應離裸幼女未攀筭夢蝶翻無定著龜詎

有倪誰能竟此曲曲盡氣酸嘶

答魍魅代書寄家人

魍魅來相問君何失帝鄉龍鍾辭北闕蹭蹬守南
荒覽鏡憐雙鬢沾衣惜萬行抱愁那去國將老更
垂裳影答余他歲恩思宦洛陽三春給事省五載
尚書郎黃閣遊鸞署青縑御史香扈巡行太液陪
宴坐明光渭北昇高苑河南祓禊塲煙花恒獻賦
泉石每稱觴暇日從休澣高車映道旁迎賓就丞
相選士謁昭王侍寵言猶得承歡謂不忘一朝貽

厚譴五宅竟同防，克豎曾驅策。權豪豈易當，款顏
因侍從。接武在文章，且懼威非贊。寧知心是狼，身
猶納履誤。情爲覆盆傷，可歎緣成業。非關行昧藏，
喜逢今改旦。正朔復歸唐，河讖隨龍馬。天書逐鳳
凰，朝容欣舊則。宸化美初綱，告善雕旌建。收寃錦
旆張，宰臣更獻納。郡守各明揚，禮樂移三統。舟車
會八方，雲沙降白遂。秦隴獻燒當，三赦重天造。千
推極國，詳大招思復。楚役俾限惟，桑漲海緣真。臘
崇山壓古棠，雕題飛棟宇。儋耳間衣裳，伏枕神餘

劣加飡力未強，空庭遊翡翠。窮巷倚枕柳，緣體分
殊昔回眸，宛異常吉凶。恒委鄭年壽，會詢唐家本。
傳清白官，移重掛牀上。京無薄產故，里絕窮莊碧。
玉先時費蒼頭，此自將興言。歎家口何處待，羸糧
計吏從都出。傳文大小康，降除沾二弟。離拆已三
房，劔外懸銷骨。荆南預斷腸，音塵黃耳間。夢想白
眉良，復此單棲鶴。銜雛願遠翔，何堪萬里外。雲海
已溟茫，戚屬甘胡越。聲名任糝糠，由來休憤命。命
也信蒼蒼，獨坐尋周易。清晨詠老莊，此中因悞道。

無問入猖狂

送韋商州弼

會府應文昌商山鎮國陽聞君監郡史暫罷尚書
郎王事嗟相失人情貴不忘累年同畫省四海接
文場點翰芳春色傳杯明月光故交從此去遙憶
紫芝香

五言絕句

寒食

普天皆滅焰匝地盡藏煙不知何處火來就客心

然

七言絕句

上巳日被禊渭濱

寶馬香車清渭濱紅桃碧柳禊堂春皇情尚憶垂
竿佐天祚先呈捧劔人

奉和幸韋嗣立山莊應制

東山朝日翠屏開北闕晴空綵仗來喜遇天文七
曜動少微今夜近三台

邙山

北邙山上列墳塋，坐萬古千秋對洛城。
城中日夕歌鍾起，山上唯聞松柏聲。

夜宴安樂公主宅

濯龍門外主家親，鳴鳳樓中天上人。
自有金杯迎甲夜，還將綺席代陽春。

餞康郎中洛陽令

洛陽舊出神明宰，輦轂由來天地中。
餘邑政成何足貴，因君取則四方同。

獄中聞駕幸長安二首

傳聞聖旨向秦京，誰念羈囚滯洛城。
扈從由來是方朔，爲申冤氣在長平。
無事今朝來下獄，誰期十月是橫河。
君看鷹隼俱堪繫，爲報蜘蛛收網羅。

苑中遇雪應制

北闕彤雲掩曙霞，東風吹雪舞山家。
瓊章定少千人，和銀樹長芳六出花。

